



Rabu, 12 April 2023
Ogen: Masmur 10:14



Nampati Si Medanggal



Bas sada acara adat kematen sekalak perbapan, ngerana me sangkep geluh i bas tegunna. Erkiteken perbapan e nadingken tegun lolo, i ja lit piga-piga anak ipupusna langa lit sada pe erjabu, reh nina sukut, kalimbubu ikut pe anak beru ersada kata, adi lit kam pagi perlu guna sekolahndu ras guna keperluanndu nakku ngata kam man kami, nina. Ntah tuhu nge terjadi bage ntah terjeng cakap nge ngenca labo siangka e. Tapi kinatana melala kal kalak megogo atena jadi kalak melumang, jadi sinanggal i ja pa pe, seh maka terpaksa jadi anak jalanan. Deba labo ban la litna orang tuana, tapi orangtua lalit buatenna, tarum ndarami si man pangan teptep wari nggo kurang perhatin man anak, piah anak ndai pe arus ikut turun ku pasar (dalan) guna nampati orang tua muatkan perbeliten. Deba nari erkiteken kenakalan remaja, anak si ipebelin-belin i bas lingkungan pergaulen si la sehat. Ndarami kesenangan la atena terikat aturen ras sopan santun, piah kiam i rumah nari, lanai meteh dalan ku rumah. Nggeluh jadi si mindo-mindo i serpang-serpang dalan. Jadi korban perdagangan anak, pelecehen ras sidebanna. Emaka seh kal medanggelnna nggeluh bas kemusilen, subuk musil kiniliten bage pe musil i bas pemeteh, terlebih musil i bas kiniliten. Pustaka si Badia njamini geluh kalak melumang, *kalak medanggal ngendesken dirina man banNdu; lalap kap ia isampatiNdu*. Em pengakun raja Daud i bas penandaina man Dibata si ngidah kerina kecibal kegeluhen manusia. *Aminna pe itadingken nande ras bapangku aku tapi Tuhan tetap si mpekena-kena aku (Mas.27:10)*. *IjagaNa maka tuhu-tuhu kebujuren idalanken nandangi anak-anak melumang ras man diberu balu-balu (Ul.10:18)*. Tuhan mediate ras kepate nandangi anak-anak si melumang alu mpekena-kenasa ras nampatisa. Kita me persuruhenNa guna mperdiateken ras mpekena-kena ras nampati kalak si medangel baban geluhna. Mari sigejabken maka rejekinta si genduari e sada bagin rejeki anak melumang si ititipken Tuhan arah kita.